

# KALAALLIT NUNAATA WASHINGTON, D.C.-IMI SINNIISOQARFIANI SULIFFIMMIK MISILIISUSSARSIORNERANIK ALLAGARSIUSSAQ

Kalaallit Nunaata Washington-imi Sinniisoqarfia ilinniartumik suliffimmik misiliisussarsiorpoq

<b>Suliffik misiliiffik</b>	Washington, D.C.-imi Kalaallit Nunaata Sinniisoqarfia
<b>Suliffimmik misiliinerup sivisussusia</b>	<b>1. februar 2019 - 31. juli 2019.</b> <b>Sapaatip akunneranut akunnerit 37-t sulisoqartarpoq.</b>
<b>Inissisimaffia sinniisoqarfimmiippoq</b>	<p>Washington, D.C.-mi Kalaallit Nunaata Sinniisoqarfia 2014-imi pilersinneqarpoq Danskillu Aallartitaqarfiata illutaani inissisimavoq. Sinniisoqarfik maannakut aallartitaalluni Sinniisoqarfimmi Pisortamik aamma Aallartitaqarfimmi allatsimik inuttaqartinneqarpoq. 2018-ip ingerlanerani sulisut allatsimik najugaqavissumik ilaneqassapput.</p> <p>Suliffimmik misiliisoq sinniisoqarfimmiissaaq allaffillu ukuninga ikiortassallugu: paasissutissanik ujarlerneq suliaqarnerlu, mailit, allakkat nutaarsiasat, suleqatigisat ataatsimeeqatigisat ingiallorlugit, allakkianik nalunaarutiginninnernillu suliaqarneq, nittartakkap nutarternera, suliassat isumagineqartartussat nalinginnaasullu.</p>
<b>Suliassaqarfiit suliffimmik misiliininni ilisimasaqarfigilersinnaasatit</b>	<p>Washington, D.C.-imi Kalaallit Nunaata Sinniisoqarfia Kalaallit Nunaata aamma USA-p akornanni suleqatigiinneq pillugu suleqatigiissutai nukittorsaaviginiarlugit: Politikikkut, aningaasaqarnikkut, niuernikkut, ilinniartitaanikkut, ilisimatusarnikkut kulturikkullu assigiinngitsutigut sulissuteqarpoq. Aammattaaq Sinniisoqarfimmi pisortaq Canadami pisussaaffilerneqarpoq. Taamaattumik Sinniisoqarfik aamma kalaallit Canadamiullu assigiinngitsutigut attaveqatigiinnerisa nukittorsaavigineqarnissaannut suliaqarluni.</p> <p>Issittoq pillugu eqqartuineq USA-mi soqutigineqarnera ukiuni kingullerni annertusiartorsimavoq. Kalaallit Nunaata EU-llu isumaqatigiissutai Bruxellesimi Sinniisoqarfiup isumagisarpai USA-lli Canadallu akornanni isumaqatigiissuteqarani, taamaammatt maannamut Washingtonimi Sinniisoqarfiup suliassaa pingarneq tassaavoq Kalaallit Nunaata saqquminerutinneqarnissaa aammattaaq USA-p Canadallu suleqatiginissaannut periarfissat erseqqissarnissai, taakku Amerikap nunavittaata avannarliup, niuernermut tunngavillit, kultureqarnermut ilisimatusarnermullu soqutiginaateqarsinnaasunik Kalaallit Nunaannut iluaqutissanngortinneqarsinnaappata. Suliffimmi misiliinermut tunngatillugu Amerikamiut politikikkut ingerlanerat taavalu USA-p Issittoq pillugu politikkia qitiutinneqarput.</p>

	<p>Suliami tassani suliffimmi misiliisup siunnersorti ilagalugu peqataanissaa naatsorsuutigineqarpoq, tassunga ilanngullugu aaqqissuussinernut ataatsimünnernullu sinniisoqarfimmi sulisut allat peqatigalugit allakkiussalluni tamatumalu kingorna Nunanut Allanut Pisortaqarfimmut nalunaaruteqassalluni. Tamatuma saniatigut suliassat ilagivaat paasissutissanik katersineq suliarinninnerlu nalunaarusianit assigiinngitsuniit, tusagassiutiniit internetimiillu siunertaralugu Sinniisoqarfiup allakkat nutaarsiassaataasa allannissai tassa suliffimmik misiliisup allannissaanut isumagisassai.</p> <p>Kiisalu sinniisoqarfik sulianik allanik isumaginnittarpoq soorlu matumani pissutsit, tassunga ilanngullugit Kalaallit Nunaanni pissutsit pillugit Amerika Avannarlermi paasissutissiisarneq; Kalallit Nunaannit tikeraartinut ikiuuttarneq soorlu suliffinnik aamma suliffeqarfinnik aaqqissuussinermi suleqateqarnissamik pilersitsinissamut tunngasunik kissaateqarnernut tunngasunut ikiuuttarluni il.il. Aammattaaq Naalakkersuisunut, Inatsisartunut qitiusumillu allaffeqarfimmut suliassanik naleqqunnerpaanik Washingtonimi imaluunniit Washingtonimiit aaqqinneqartussanik isumaginninnermigut kifartuussisarluni.</p>
<p><b>Suliffimmik misiliinerup siunertaa</b></p>	<p>Matumani ilinniarnermut atatillugu suliffimmik misiliineq pineqarpoq. Suliffimmik misiliineq ilinniartup ilinniarneranut iluaqutaassaaq, imatullu aaqqissuunneqassalluni ilinniarfiup pineqartoq akuerippagu angusimasanik ilinniarnermut allamut nuussinissaq (meritoverførsel) qulakkeerneqassalluni. Suliffimmik misiliinnginnermi ilinniarfiit isumaqatigiissuteqarfigeqqaartariaqarpat point-inik ECTS-iusunik nuussisinaanersutit imaluunniit allatut ilinniakkamut tunngasumut suliffimmik misiliinerup akuerineqarnissannut.</p>
<p><b>Suliffimmik misiliisumut naatsorsuutigisat</b></p>	<p>Inuiaqatigiinnik ilisimatusarnermi ingerlaqqiffiusumik ilinniartuuneq, soorlu ukununga: cand. jur., cand.scient.pol, cand.oecon, cand.polit., cand.merc.jur imaluunniit bachelor.</p> <ul style="list-style-type: none"> <li>- Kalaallit Nunaata nunanut allanut naalakkersuinikkut atassuteqarneranik soqutigisaqartuuneq paasisimasaqartuunerlu.</li> <li>- Kalaallisut, qallunaatut tuluttullu allattariarsornermik oqaluttariarsornermillu piginnaaneqarluarneq.</li> <li>- Tunuarsimaartuunnginneq nammineersinnaaneq sulissuteqarusussuseqartuunerlu.</li> <li>- Ammasuuneq suleqatigiinnissamik pingaartitsisuuneq ilinniarumassuseqarnerlu.</li> <li>- MS Office pakke-mik nalinginnaasumik atuisinnaaneq piumasagaataavoq, inoqatinut attaveqaatinik atuisinnaaneq nittartakkanillu aaqqissuussinermik ilisimasaqarneq iluaqutaassaaq.</li> </ul>

<p><b>Suliffimmik misiliinermut piumasaqaatit</b></p>	<p>Suliffimmik misiliinissamut piukkunnaateqassaguit suliffimmi misiliinerup nalaani ilinniarfimmi qaffasinnerusumi ilinniagaqartutut nalunaarsorsimassaait.</p> <p>Suliffimmik misiliinermi akissarsiaqartitsisoqanngilaq kisianni suliffimmik misiliisuuninni najukkami aningaasartuutunik (soorlu inigisamut akiliutit) qaammammut 4.000 kr. tikillugit inuuniarnermi aningaasartuutit ilaat akilerneqarnissaannut matussutissanut utertitsivigineqartassaait.</p> <p>Nunanut Allanut Ministeeriaqarfiup isumannaallisaanermut atatillugu misiliilluni sulilersussaq akuerippagu aatsaat sulilertoqarsinnaavoq.</p> <p>Tunngavittut misiliilluni sulisussap nammineerluni inissarsiornissani akisussaaffigisussaavaa. Sinniisoqarfilli attavissarsiornermi, telefonit normuinik il.il. ikiuussinnaavoq.</p>
<p><b>Qinnuteqaateqarnissamut piffissaliussaq</b></p>	<p><b>1. oktober 2018.</b></p>
<p><b>Qinnuteqaat nassiunneqassaaq uunga:</b></p>	<p>Qinnuteqaat naatsoq, CV, soraarummeersimanermut uppernarsaatit oqaaseqaatillu attuumassutillit allat ilanngullugit "Praktikantansøgning"-imik nalunaaqutserlugu uunga mailikkut nassiunneqassaaq: <a href="mailto:rejl@nanoq.gl">rejl@nanoq.gl</a>. Qinnuteqaat uppernarsaatini imalik PDF-inngoqquneqarpoq.</p>
<p><b>Paasissutissat allat</b></p>	<p>Paasissutissanik allanik piniaruit attavigiuk: Aallartitaqarfimmi allatsi Rebecca Lynge, Tlf. + 1 202 797 5392, <a href="mailto:rejl@nanoq.gl">rejl@nanoq.gl</a></p> <p>Aamma takuuk <a href="http://naalakkersuisut.gl/da/Naalakkersuisut/Groenlands-repraesentation-Washington">http://naalakkersuisut.gl/da/Naalakkersuisut/Groenlands-repraesentation-Washington</a></p> <p><b>Qinnuteqartunit toqqaanerup nalunaarutigineqarnissaa naatsorsuutigineqarpoq 2018-imi oktoberip naanerata missaani pissasoq.</b></p>